



17355

kat.komp.

I

Mag. St. Dr.

P

Opatovii Adamsi Gratulatio.

PANEG. et VITAE

Polon. 4^o

M 1043.

Biblioteka Jagiellońska



stdr0002908

ILLVSTRISS^O AC R^EDISS^O D. D.

PETRO TYLICKI,
EPISCOPO CRAVC:
DVCI SEVERIENSI
&c. &c.

In primo Episcopatus ingressu,

GRATVLATIO.

M. ADAMI OPATOVII.



CRACOVIA,

Typis Ioannis Szeliga, Anno
Dominii 1607.

240.



1755-1

QVID prodest sublime genus? quid gloria Martis?
 Si cultus veræ religionis abest?
AF qui paras vtròque tuos splendore Quirites,
 Multos sed vincunt, clara trophyæ crucis.
 Hoc signo Constantinus sæua agmina fregit,
 Ecclesiæ hoc frangas castra inimica tuæ.

GRATV L A T I O.



AGNVM QVIDDAM VIDENTVR
 suscepisse, I. A. qui virorum Illu-
 strium, & Principum qui proximam
 Deo potestatem in terris gerunt, pre-
 claras & laudabiles virtutum actiones, æternis lit-
 terarum monumentis student consecrare. Nul-
 lum enim vñquam, ad orationis gloriam compa-
 randam, illustrius argumētum reperitur, quam vir-
 tus Principis intaminatis fulgens honoribus: aut
 quam iustitia eiusdem, nullis quamlibet profusis
 largitionibus peruria, nullisque afflictorum quere-
 lis violata, aut denique quam in frenandis cupiditi-
 bus, & in calamitatibus ac iniurijs à vita, fortu-
 nisque ciuium propulsandis, incredibilis & toties
 spe etata fortitudo. Versantur in manibus, non mo-
 do imperitæ plebis, sed etiam virorum doctissimo-
 rum, quorundam scripta, in quibus res omnium
 iudicio abiectissimæ, caluitum, culex, formica, &
 ipsæ hominum generi infestissimæ pestes, bellum,
 stultitia, exquisitissimis laudibus ornantur. Quid
 verò scripta, quæ optimum ac integerimum Prin-
 cipem, in omnibus vitæ partibus moderatum &
 temperantem, plenum pudoris, plenum officij, ple-
 num religionis loquuntur: annon in omnium o-

culis gestabuntur? annon summo studio euol-
 uentur? Quod enim spectaculum, mortalium ocu-
 los magis capere, & sui oblectatione satiare potest?
 quam sanctissimi Principis imago, veris & non si-
 mulatis virtutum lineamentis animata potius, quā
 descripta? quod tām iucundum acroama? quod
 tām suauissimis numeris deuinctum & modulatū
 carmen, magis demulcet & oblectat aures: quām
 ea oratio, quāciuitatum populorumque modera-
 toris, purissimam & castissimam vitam, nullisque
 flagitiorum maculis inquinatam prædicat. Magnū
 est beneficium Dei, & omnium prædicatione ma-
 ius, rerum humanarum arbitrum & moderatorem,
 in cuius manu, sint positæ opes, dignitas, & omni-
 um vita mortalium, eum habere, qui cæteros, non
 tām altissimo dignitatis fastigio, quām virtutum
 imperatoriарum amplissimo splendore antecellat.
 Huic, tanquam veræ interris imagini Dei, omnis
 terrarum orbis, solennibus laudum adores litat:
 huic, votis concordibus imperium diutissimum
 precatur, huic, laterum suorum oppositus, contra
 mucrones insidiantium promptissimè offert: suaq;
 corpora paratiissimus illi substernere, si illi per stra-
 gem humanam, iter ad salutem sit sternendū. Fuit,
 fuit semper, & est in hanc vsq; diē, singulari benefi-
 cio Dei, in hoc inclyto & florētissimo Poloniаru m
 regno, optimorum & sapientissimorum Principū
 copia,

copia , qui non modo in Senatu sapientissima
 consilia dando, verum etiam in sanctissimis tem-
 plis, sacra religionesq; immortalis Dei, sapienter in-
 terpretando, & fortiter propugnando, Rempub:
 conseruant. Et quanquam innumeri clarissimi
 viri reperiantur, qui, et si huius mundi negotijs im-
 pediti sunt, plurimum tamen prudentia & consi-
 lio possunt, in periculis à Repub: remouendis : hi
 tamen qui & fallacis mundi illecebris, & corporis
 sui desiderijs abiuratis , totos se ac omnia sua, cul-
 tui diuino manciparunt, plus cæteris animaduer-
 tere , & tanquam è loco editissimo, procellas &
 tempestates Reipub: denunciare, atque inprimis
 fluctus turbulentissimos possunt componere. Hi
 enim, dum aut in rerum sublimium, & diuinorum
 contemplatione occupantur, aut dum ad religio-
 sissimas aras, sacris operando, pro ciuium & Reip:
 incolumentate, ad Deum omnis misericordiaæ beni-
 gnissimum parentem , supplices manus tendunt ;
 nonne ipsius Dei, ac Beatissimarum mentium con-
 suetudine fruuntur ? nonne ab illarum admirabili,
 & longè omnium præstantissima luce, mentis tene-
 bræ discutientur ? nonne cæteris sapientiis, labo-
 ranti Reipub: opem ferre , eamque è seditionum
 procellis ereptam, in firmo ac tutissimo tranquilli-
 tatis portu, collocare poterint. Ut enim res diuinis
 ministerijs deuotæ, plurimum ex se venerationis

spirant, animosq; profanæ multitudinis metu per-
 cellunt: ita in viris, ad Sacrosancta sacerdotij mu-
 nera obeunda delectis, non modò variæ, ac multi-
 plicis sapientiæ luminaria, (ita adiungente diuina
 benignitate,) cluent, sed etiam nescio quid emi-
 cat diuinitatis. Atque equidem, I. P. cum ad te,
 in hoc longè omnium iucundissimo die, & in quo,
 ius lætitiae datum est publice, oculos meos, illos in-
 quam mentis, amorem tui ardenter conceptum spi-
 rantes reflecto, dictu est incredibile, quam iucunda
 recordatio tuarum virtutum, animi meum subit,
 quibus officium, & prudentissimi in Curia Senato-
 ris, & Sanctissimi in Ecclesia Dei Antistitis, tanquā
 preciosis ornamentis distinctum esse oporteat. Et
 cum vocem meam, animi promptissimi testem, &
 in hoc, omnis ætatis ac ordinis hominum, comuni
 gaudio, gestientis interpretem, continere non va-
 leo; dabis mihi pro tua in omnes clementia veni-
 am, quod homo, cum ab alijs rebus, tum à dicen-
 di copia desertus, tantum mihi negotij sumam, vt
 tuas incredibiles virtutes, & quæ iam in omnium
 ore versantur, & quæ aliquando præstantissimorū
 hominum, & ingenij & orationis vbertatem fatiga-
 bunt & exhaustient: audeam tenui orationis filo
 pertexere. Quandoquidem ipsi Ioui, quem falso
 antiquitas Deum putauit & coluit, non tantum
 cum pingues tauri ad aras cadebant, sed etiam cū

pauperis

paup
 bant
 & Se
 Deia
 tuor
 tiam
 mult
 riem
 berri
 dem
 beris
 busp
 ficij r
 mum
 ac sc
 locu
 cultu
 stissi
 sissim
 suad
 orūm
 hoc f
 cred
 pulci
 dore
 mē se
 um,

pauperis angusta manus, tura adoleret, sacra fie-
 bant. Et cum sint, propè infinitæ virtutes, quibus
 & Senatoriam dignitatem, & summam in Ecclesia
 Dei amplitudinem, es adeptus: tum ego illas qua-
 tuor maximè sum admiratus, religionem, sapien-
 tiā, iustitiam, amorem patriæ: quarum ut ante
 multis iucundum fuit, in adolescentiæ flore luxu-
 riem adspicere, ita nunc ipsi Reip: vtilissimum, v-
 berrimos earū fructus percipere. Et religionis qui-
 dem, & rerum diuinarum studium, non modo in li-
 beris, & optimis legum institutis temperatis Re-
 buspub: sed etiam in barbaris, & nulla humani of-
 ficij ratione deuinētis nationibus, ita antiquissi-
 mum & Sacrosanctum fuit, ut quibus initijs cætus,
 ac societates hominum coire, urbium mænibus,
 locum designare cæperunt, ijsdem prima diuini
 cultus fundamenta sunt iacta. Ita enim illa vetu-
 stissima sæcula, quamuis in cognitione veri Dei, dē-
 fissimis ignorantiaæ tenebris fuissent obsita, sibi per-
 suadebant, esse quoddam supremum numen De-
 orum, cuius potestate, arbitrio, nutu, cuncta in
 hoc spatio orbis theatro verterentur, & cuius in-
 credibili, ac invisitata in genus humanum bonitate
 pulcherrimi cælorum orbes, vario siderum splen-
 dore disticti, eosdem inter se cursus constantissi-
 mè seruantes, vicissitudines dierum atque nocti-
 um, commutationesque temporum quadripartitas

& ad

& ad maturitatem frugum ; & ad temperationes
 temporum aptas, efficerent : & cuius, hæc certissi-
 ma iustissimæ indignationis argumenta putarent,
 si quando, aut vehementiores & immoderatae tem-
 pestates, vim magnam aquarum è nubibus, in agro-
 rum atque in hominum perniciem effunderent,
 aut siletalis morbi lues, aut segetem in agris ene-
 caret, aut armenta in stabulis suffocaret, aut de-
 niique homines in ciuitate absumerat. Quare ani-
 mum adiecerunt, ad aras ponendas, & delubra sum-
 ptuosissima extruenda, in quibus varium honorem
 Diuis reddebât, ut imminetia pericula, à suo, & Re-
 ipub : capite auerterent, statumque rerum, & do-
 mi, & foris, florentissimum fortirentur. Sed poste-
 aquam tandem, illa lux, tot ardentissimis votis, ac
 desiderijs, sanctissimorum hominum, è cælo euoca-
 ta in terris illuxit, & illas à tot sæculis offusas caligi-
 nes discusit, tum demum verus atque illibatus re-
 ligionis cultus resplenduit, tunc denique oculos,
 ac mentem mortalium in se conuertit. Et quanquā
 blâdilsimis voluptatum illecebris captæ ac delini-
 tæ mentes, difficulter, tanquam traballi defixaæ cla-
 uo, ab illa quam simulata religio permittebat, vi-
 tæ impuritate, & dissoluta ratione ad hanc podo-
 ris & sanctimoniaz magistram concedebant. sed ô
 magna vis veritatis, quæ te contra hominum inge-
 nia, calliditatem, solertiam, contraque fictas omni-
 um in-

tiones
ertissi-
arent,
æ tem-
n agro-
erent,
is ene-
aut de-
re ani-
ra sum-
norem
, & Re-
& do-
poste-
otis, ac
euoca-
caligi-
tus re-
coulos,
anquā
delini-
æ cla-
pat, vi-
pudo-
sed ô
n inge-
omni-
um in-

41.

um insidias, per te ipsam defendis, quid non potes? quid non audes? ubi semel animos hominum es complexa: tuum hoc opus, tuum beneficium est, quod illæ tristes Erebi facies, illa horrenda inferni portenta, quæ se pro dijs venditabant, in paludes flammis sulfureis perpetuo flagrantes, sint præcipitata: tibi hoc acceptum ferendum, quod unus in indiuidua Trinitate Deus, ubique terrarum ac gentium colatur & veneretur: tibi hoc tribuendū, quod plurimi molitie ex animo eiecta, vitam horridam & asperam adamârunt. & quod cæteris rebus abiectis, cælum negata tentant iter via. Hæc tam diuina, & feracissima virtutum procreatrix, ubi animum tuum è sacro fonte exceptit, & salubermissimæ doctrinæ Christi præceptis, ad pietatem conformare suscepit: in tantas subitò flamas religionis tuendæ & amplificandæ excanduisti, vt pro hac, non modò minas, pericula, capitibus dimicacionem adire, sed ipsum pectus paratis ensibus obuium dare, dulce & decorum putares. Et cum prima initia ætatis, cupiditatum procellis sint obnoxia, quarū æstu, plurimi à recto virtutis trainite abrepti, grauissima innocentia, integritatis, vita, fortuniarum naufragia sūt passi, tu illam lubricam & fragilem ætatem, tam sapienter regebas, tam cautè transigebas, vt nec affectus imperium rationis recusarent, nec unquam rationem, quod fidelissimis

B

pietas

42.

pietatis mohitis obtemperaret, pæniteret. Elucebat iam tunc, morum triste senium, & aspectu gracie, mira tamen suauitate conditum: illud quidem odio vitiorum susceptum, hoc verò amore honestatis excitatum: illo homines improbissimi percellebantur, hoc quique integerrimi ad virtutis studia inuitabantur: ita ut in tuo iuuenili vultu, & flagitosi haberent quod metuerent, & optimi quod imitarentur. Et veluti in teneris arborum corticibus, variæ animaliū effigies incisæ, vñā cum arboribus succrescunt, ita illæ notiones pietatis, in tuo animo puerili consignatae, robur & maturitatem suam, cum ipsa ætate conseqebantur. Crescebat & augebatur iuvenile corpus: crescebat & animus religionis studijs adolescens: virebat ætas florida iucundum ver agens, virebat & animus huius se virtutis primæuo flore conuestiens: maturescebant & iam solidæ ac corroboratæ vires erant, maturescebat & firmum tenaxque propositum diuini cultus promouendi. Et cum in omni vitæ parte, manifesta illius vestigia imprimebas, sed. tum maxime tanquam plenis velis inuectus, ad laudem & gloriam eius amplificandam prodijisti, cum spretis rebus caducis, & vita tumultuante abiecta, plenum timoris sacerdotij ministerium, & operosum munus legationis, diuinæ gratiæ, ita disponente domino, adjisti. Intelligo I. P. quam difficiili in loco

loco verser, quam mihi sese vberima dicendi mat-
 teries offerat, quam latissimus orationis campus
 pateat: sed me comprimam, & non patiar in eo lo-
 co mediocritatem meam pericitari, cui se præ-
 stanti ingenio viros, summa copia & singulari fa-
 cultate dicendi, vix vnquam commissuros arbitror.
 Illud tamen, quasi pertransennam aspiciens, non
 possum strictim non attingere: serius paulò, & o-
 mnium expectatione serius, tuæ virtuti & meritis,
 debiti honores sunt delati: scilicet ut est vitium in-
 uidiae commune & peruagatum, eosque acerrime
 & hostiliter inuadens ac deprimens, qui virtutis
 commendatione, & rebus preclarè gestis, ad regni
 beneficia nituntur: te quoque eo odio, quo antea
 omnes omnibus sæculis bonos aggrediebatur, est
 aggressum. Non pauci, qui te posterius ad Remp:
 accesserant, aut summos magistratus adibant, aut
 amplissima sacerdotia consequbantur: tu tamen
 nihil eo immutatus, de sedulitate ac fide Reipub:
 data, remittebas, quiniñ nec sumptui, nec labo-
 ri, nec valetudini parcens, maximis te ac difficil-
 limis in negotijs exercebas. Neque enim sollicita
 ambitione, nec nimia honorum cupiditate addu-
 ctus, infinitos rerum forensium labores sustinebas,
 sed cupiens ciuium & Reip: dignitati, atque in-
 primis religionis incremento, (cuius nunquam ob-
 liuisci poteras,) inseruire. Nec hic tuus animus

erat, cum oleo lætitiae ad offerendam Deo hostia
 incruentâ vngearbis, vt molestis & usque in se-
 nium protractis officijs, amplissimos & locupletif-
 simos Episcopatus obtineres. Quid igitur mirum,
 si in tanto inuidiae incendio, animus tuus nullas flâ-
 mas concipiebat? si infractus virtutis iter urgebat?
 si strenuus molestiarum difficultates superabat? si
 denique fortitudine sua inuidorum oculos per-
 stringebat? Et cum humanarum actionum iustissi-
 mus retributor Deus, vt nullum flagitium sine vin-
 dicta, sic nullam virtutem sine præmio permittit
 abire, hanc primum, (ita crediderim,) iustissimo
 & clemetissimo Sigismundo Regi, magnanimo re-
 ligionum propugnatori, mentem inspirauit, vt tu-
 is maximis, & ex animo profectis vigilijs, curis,
 laboribus, meritos redderet honores. Nec quid-
 quam moratus est, diuino dicto audientissimus
 Princeps, te que quatuor honorificentissimis Epi-
 scopatibus, qui se non ita longo temporis interual-
 lo excipiebant, ornauit: Quos inter est hic Cra-
 couien. quem solenni & venerando habitu Pasto-
 rali, die hodierno ingrederis, teque in medio po-
 puli, tibi diuinitus commissi, cognoscendum sistis,
 & quæ est consuetudo cum potestate in hanc vi-
 bem ingredientium Episcoporum, ad reliquias B.
 Stanislai supplex te aduoluis, & cum in illius locu
 successeris, ab hoc precibus contendis, vt etiam

nunc

46.

nunc mortalitate exuta; & Beatorum consortio
fruens, in partem muneris & laboris veniat. Et cū
mecum, tuum admirabile studiuū diuini cultus
propagandi, quod superiorū Ecclesiarum guber-
naculis admotus declarasti, considero: non dubi-
to eum tibi præstō ad futurum. Tu namque hoc
tam diuino calefcens igne, non ea quæ tua essent,
sed quæ Dei, quærebas; tuque in primis pestes illas
ac pernicies peculij Christi, scelestissimos inquā
pestiferarum opinionum autores, nescio quo A-
cheronte excitatos, arcebas: tu Sanctissimas ædes
sacris & religioni Catholicæ consecratas, ab his
spurcissimis non hominibus, sed belluis violatas, &
nefariè occupatas, quantum in te fuit studebas re-
cuperare: tu ad ouile Christi fallacis doctrinæ la-
queis irretitas, & abductas oves reducebas, tu si
quid in tuo grege infirmum erat curabas, si quid
vitiorum labe respersum abluebas, si quæ vis mor-
bi pertinacis ingrauescens serpebat, refecabas:
tu lætis & amænis pascuis verbi diuini, tu limpidis-
simis fontibus illius æternæ beatitudinis tuum gre-
gem reficiebas: tu denique prouidebas, ne flagiti-
orum contagio, in æternum deplorandas strages
faceret, sed ut alma salus, virtutum incrementis cō-
firmata, complexa omnes foueret: tu si quando
furiosa Hæreticorum rabies, Ecclesiæ dignitatem
eleuare, illius patrinionum dissipare, sacra, reli-

gionesque per summum dedecus contaminare, di-
uinamque suppelle etilē, ex multo argento & auro,
(quod illis multū dolet,) confectam, & gemmis
(ut illis etiam usque eō doleat,) distinctam clarissi-
mis sacrilegio oculis, rapacissimis manibus aufer-
re conabantur, tu inquam inter alios magnanimos
& fortissimos Antistites resistebas, priusque vi-
tam tibi eripi, quam hæc te viuo violari male-
bas. Nescit profectō vera virtus quiescere ne-
scit, sed per quæ vis ardua & periculosa viam sibi
pandit, nec languere potest, ubi se honestæ occa-
siones illius exercendæ præbent. Quare fruere hoc
tanto & solo bono, hoc magnus & admirandus,
quod sedulò facis, haberi stude; hoc illam quam
spectas immortalitatis gloriam, de qua nulla vn-
quam ætas, nec illa vnquam intermoritura Beato-
rum præconia conticescet, perpetuare contendet.
Iam verò quæ tanta dicendi copia, quod tam vber-
rimum orationis flumen reperietur, quod innume-
ras tuæ sapientiæ laudes, quæ omnium pleno ore
celebrantur, si non complecti orando, at vel per-
censere commemorando possit. Primum illum æ-
tatis iuuenilis cursum, non aliò deflexisti, quamuis
multa quæ honestum mentirentur, te suis illece-
brarū præstigijs auocare conarentur, quam ad au-
gustissimum sapientiæ domicilium. Cuius in amo-
rem ita exarsisti; yt non amplius discessionem co-
gitaueris

gitaueris, sed iam tum in animum induxeras, nullibi securius, nullibi fructuosius, nullibi iucundius, nullibi honestius, non modo pueritiae, sed reliquum vitae cursum posse transfigi. Hic tu primum animum & aures dare cœpisti, illi Poëtarum concentui, cui saxa & solitudines voce respondent, illis fabularum narratiunculis quibus teneræ mentes capiuntur, & ad honesti studium excitantur; hic illa præcepta cognouisti, quæ orationis illuminandæ, & totius Eloquentiae accumulandæ artem præscribunt; hic illius artis acumina perspexisti, quibus in veritate propugnâda, re vniuersa tribuenda, latente explicanda vtitur: hic illius scientię cognitionem es adeptus, quæ diligentissima peruestigatione res à sensu comuni abstrusas & recōditas eruit, & in lucem profert; hic illam verè magistrā & parentem vitę Philosophiā, quam Socrates euocasse ē cælo & in Vrbibus collocasse creditur, quæ Respubl, optimis legum institutis moderatur, hominumq; cupiditates sese effundere, & imperium rationis excutere volentes, tenet & coercet, tua illa admirabili ingenij fælicitate excussisti; hic tu iuris diuini leges & instituta non infinitis, & concertationum plenis disputationibus, sed auctoritate, & illo tibi diuinitus concessio iudicio, es aggressus interpretari: hic multarum & diuersarum gentium mentem mores instituta, rerumq; publicarum

carum varia principia, multiplices iactiones, &
 luctuosos exitus perspexisti, cum monumenta re-
 rum gestarum, omnemq; memoriam antiquitatis
 euolueres: hic deniq; omne genus scriptorum o-
 ptimorum, & saluberrimis vitæ regendæ præceptis
 refertissimorum, delibasti. Ita ut iure meritissimo,
 illud de tuo feruenti, & inexpleto scièdi studio dici
 possit, quod de suo Romanæ facundiæ Princeps
 confitetur: quātum cæteris ad s̄ias res obeundas,
 quantum ad festos dies ludorum celebrandos,
 quantum ad alias voluptates, & ad ipsam requiem
 animi & corporis conceditur temporis, quantum
 alij tribuunt intempestiuis conuiuiis quantum de-
 nique aleæ, quātum pilæ, tantum tibi ipsi ad hæc
 studia recoleda sumebas, atq; etiam nunc sumis.
 Excitant in agricola studium culture, vberimæ fru-
 ges agrorum: excitabant & in te ipso laborem, cō-
 tentionem, industriam, illi in animo tuo tanquam
 in culto & fertili agro, propè in diem efflorescen-
 tes, & sapienter intelligendi, & beatè viuendi, læ-
 tissimi frustus. Gaudet mercator, & totus lætitia
 exultans, non metuit fragilem truci commitere pe-
 lago ratem, cum ex mercium cōmutatione rem su-
 am familiarem videt accrescere: gaudebas & tu,
 nec labori parcens, quidquam de suscepto negotio
 remmitembas, cum illas veras animi opes, opibus ac-
 cumulatas augeri & excrescere videbas. Laboris
 namq;

namq; ibi pœnitet neminem , vbi certa spes com-
 modorum affulget, & vbi collectam animi ægritu-
 dinem iucunda delectatio reficit. Satis hoc pro-
 fectò, non modò ad sapientiæ nomen sustinen-
 dum, sed & ad ipsam laudem parandam videba-
 tur, cum pulcherrimum orbem , tot exquisitarum
 scientiarum, tam vehemēti cum studio absoluisses,
 sed tibi vni, qui hoc amplius quiddam animo su-
 sceperas, non satis. Non enim tu eam sapientiam
 ambiebas, quæ apud Græculos homines , conten-
 tionis potiùs quam veritatis cupidores, de propo-
 sitis quæstiunculis, spinoso , exili , conciso , & tor-
 tuoso orationis genere , in disserendo vtitur : sed
 quæ ciuitates institueret, leges optimas scribebat,
 hominum cupiditates frangeret , ius omnibus æ-
 quum diceret, scelerum fibras, & praui elementa
 cupidinis extirparet ; innocētiam verò , integrita-
 tem, & mutuam animorum consensionem , in ani-
 mis ciuium inlereret, hanc nosse cupiebas, hanc
 ex veterum monumentis studiosè conquirebas.
 Et cum hanc , Gymnasiorum parietibus inclusam,
 mortuam & sepultam videres, in lucē atque adeò
 in ipsam faciem Reip : prodijisti , eamque ad com-
 munem vsum & vtilitatem referre cœpisti. Erat tū
 in Rep : nomen celebre, optimis quibusque Reip :
 regendæ , tuendæ , amplificandæ , artibus instru-
 etissimi viri Ioannis Samoscij , cuius domus , no-
 bilissim

bilissimę iuuentuti Polonę, quasi quidam ludus
 & officina, & togatarum artium & militarium pa-
 tuit; ad hunc concedisti, teque illi sapientissimo
 & immortali viro, qui de ingeniiis hominum iudi-
 care poterat, perpoliendum tradidisti. Quid hic
 commemorem, qua ille in te animi propensione, in
 Reipub: negotijs tibi ad expediendum mādandis
 fuit, & qua tu in hunc fide, qua celeritate in con-
 ficiendo eras? vix ille innuebat, tu effectum da-
 bas; sapienter prēcipiebat, tu quoq; sagaciter pa-
 rebas; ex bono & dignitate Reipub: negotia publi-
 ca moderanda esse monebat, tu quoq; illius orna-
 mentis & saluti, nihil tibi esse carius declarabas;
 ita vt ille tuum incredibile in obtemperando stu-
 dium, tu verò illius diuinam prope in imperādo sa-
 pientiam, admirabar. Ex quo, nihil vnquam ta-
 le fuit, in quo tu illius in te amorem non agnoue-
 ris, aut in quo ille, tuam industriam & solertiam nō
 probauerit. Diuinus, & facile Princeps ingenii &
 doctrinę Plato, cum ingenij Aristotelici, acres &
 celeres in perspiciendo motus admiraretur, tanto-
 perè in illius amorem exarserat, vt vnu illi instar
 omnium, quibus operam in Philosophia nauabat,
 esset; huiusq; absentis desiderium, illis amātissimis
 verbis significaret, cum modō mentem, modō Ve-
 ritatis Philosophum, abesse diceret. Quid ille vir
 gloria, virtute, fortuna, rebus gestis, verè magnus,
 cum

cum tuum, in illo iuuentutis flore, qui domi sūg
in spem regni, in patriis & auitis moribus institue-
batur, indefessum studium in rebus agendis, sin-
gularem prudentiam in difficultatibus expedien-
dis, animaduerteret: non dubito, quod te eodem
planè dicto, post præclarè expedita negotia, men-
tem appellando exciperet, cogitatione verò, suarū
virtutum & sapientiæ, veram effigiem destina-
ret. Plurimū debuit Macedoniæ regnum, fortissi-
mo Thebanorum Imperatori Epaminondæ, (cum
quo illius gentis nominis celebritas cœpit, & cum
hoc eodem funere ellata ac sepulta fuit, & de quo
incertum erat, meliorne vir an Imperator esset,
quod imperia non sibi sed patriæ quæsuerit, & in
quo mirabile videbatur, vnde tam insignis rei mi-
litaris scientia, viro inter litteras nato fuerit,) quod
Philippus obses datus, in ædibus illius haberetur,
vbi illius virtutum exempla inspiciebat, atque eti-
am in tantum imitatus fuerat, ut sordidum & ob-
scurum Macedoniæ regnum, Græciæ & Asiæ cerui-
cibus imposuerit. Non minus, eo nomine, regnū
Poloniæ, Samoscij manibus acceptum referre de-
bet, quod is non tam Imperatorijs virtutibus, qui-
bus etiam plurimos veterum videtur superare, non
tam ingenij & litterarum gloria, qua homines præ-
stantissima doctrina adæquabat, gentis suæ nomen
auctum & ornatum esse voluit, quam te tanto ci-

ae, domi sue educato, suorumq; morum, virtutis,
 constantiae, pietatis, ingenij, sapientiae, tanquam
 haerede instituto: ut quemadmodum ille, consilio
 & armis, grauissima pericula remouebat: tu quoq;
 (quod nunquam facere intermittis,) alienissimis
 temporibus huic ipsi Reipub: consilio, & auxilio
 praestò adesses. Quid igitur mirum, si neque Sena-
 tus, viris longo vslu, summa doctrina, excelentis-
 simis ingeniiis affluens, tuam illam promptam & ex-
 peditam indificillimis Reipub: negotiis explican-
 dis sententiam, satis vñquam extollere potest: si ne-
 que exterarum gentium, Regumq; pontentissimo-
 rum Oratores, tuam in responsis accipiendis orna-
 tam, sapientē, rebusq; accommodatam orationis co-
 piā satis demirari, nec apud suos commendare
 poterāt. Non etenim, vt est Theognis testis, è squil-
 la, rosa nascitur, aut Hyacintus, neque vt Poëta
 Venusinus canit. Imbellem feroce progenierant
 aquilæ columbam. Sed vt
 Fortes, creantur fortibus & bonis,
 & vt, est in iuuencis, est in equis patrum virtus:
 ita à viris, summo consilio, summa virtute, summa
 auctoritate, si nimirum alios informandos suscep-
 tunt, nonnisi eiusdem consilij, virtutis, auctoritatis,
 ciues sunt sperandi. Beatum te, I. P. quod eum du-
 tem & autorem, ad hæc sapientiae studia nactus fu-
 eris: sed longè beatiorem Rempub: quod virtus, &
 probi-

probitas eorum Senatorum, qui vita sunt fūndati, in
 aliis propagata refloreat, & publicè dignitati deser-
 uiat. Sed iam, quæ tua mens, quis animus erat, in
 iustitia colēnda, & iure proprio vnicuique tribu-
 endo, profectò si meæ aures pereginarentur, & si in
 hac tām celebri, & peruagata huius tantæ virtutis
 omnium prædicatione, tanquam hospites versa-
 farētur, tamen propter has, quas in te sum admirata
 virtutes, illius obliuisci non possem. Sapienter
 enim, vt cætera, parens & autor doctrinæ Peripa-
 teticæ Aristoteles, illos dignos esse iudicauit, quo-
 rum consilijs crederetur, si & probi, & prudentes,
 & beneuoli essent, etsi quid horum trium abfuc-
 rit, non satis tutum esse monet, illos nostræ causæ
 cognitores & patronos diligere. Nam si is vir pro-
 bus erit, & nobis amicus, sed idem parum prudēs
 & consideratus, facilè ipse in errorem prolapsus,
 nos quoque in idem præcipitum aget: sin autem
 consilio & sapientia abundabit, sed improbo ani-
 mo, & in nos malè animato fuerit, in fraudem in-
 duces potius, quam bono & salutari consilio pro-
 derit; si denique fuerit, & prudentia & virtute spe-
 ciosa, sed nulla nobis necessitudine diuinatus, con-
 sulet ille quidem rebus nostris bona fide, & sine fal-
 lacia, sed tanto melius consulturus erat, si nobis
 aliqua cum ipso intercessisset coniunctio. Quid tu,
 cum ad te, amplissimum & laboriosissimum Pro-

cancelarij munus, voluntate optimi Regis, consen-
su sapientissimi Senatus, omnium vero ordinum
summo cum applausu delatum fuisset, nonne quod
huius magistratus officium est, cum ad causas co-
gnoscendas, & iudicia exercenda accedebas, ab
hoc trium virtutum comitatu deducebaris? non-
ne huic iuxta te locum deferebas? Aderat religio,
probitatis, innocentiae, & cæterarum virtutum pro-
creatrix, quæ diligenter prouidebat, ne vllis vn-
quam largitionibus, aut fuçatis blanditiis, aut e-
mentitis rationum momentis, æquitatis ara expu-
gnari posset. Aderat sapientia, quæ offusas falla-
ciarum tenebras discutiebat, & quæ, quid in quaq;
re verum esset, reperiebat. Aderat ciuium & patriæ
indefessus amor, qui ius suum vnicuique tribue-
bat, & ne quis vnquam dignitatis aut fortunarum
detrimentum caperet, operam dabat. Dicebat gra-
uissimus Romanorum, & omnium officiorum mo-
menta diligentissime perpendens, M. Cato: iudi-
cem nec pro iustis orandum, nec pro iniustis exo-
randum. Quis hoc dictum melius? quis magis ad-
amusim in iure dicendo teipso expressit? qui vix
vnquam, ac ne vix quidem, aliquo verbo compel-
latus, multis iactatam iniuriis, & multis exagita-
tam contumeliis æquitatem eripiebas, & cui
debebatur reddebas; & qui in causis iniquis
nullius fauore, nullius gratia, nullius precibus,
nec

nec ullis vñquam preciosis rebus, à iustitia te deflekti patiebaris. In cælum vsque M. Curius extollitur, quod Samnites, cum sibi magnum pondus aurum attulissent, illo dicto repudiauit, aurum habere, præclarum sibi non videri, sed eis qui aurum habent, imperare. Maximæ laudi, C. Fabricio datum est, quod Legatus ad Regem Pyrrhum, oblata sibi ex gemmis & auro præstantissima regalis munificentiæ dona, accipere recusauerit. Tua vero laus, quo tam vberrimo ac fælici orationis flumine asse-
 qui? quibus tam præclaris Poëtarum carminibus exprimi? quibus denique annalium monumentis, ad sempiternam hominum memoriam consecrari poterit? cum nō semel, nec bis, vt hi Romanorum, sed quot erant causæ auscultandæ, tot maximis & sumptuosis muneribus, lacesitus & prouocatus, illa tamen, ne inspicienda quidem duxisti, sed præteriens, illam solennem tibi que toties visitatam vocem reddebas, æquitatem in tuis iudiciis sine ullis proemiis, quenquam posse obtinere, iniquitatem vero, nulla vi pecuniæ, nullo auro etiam in vnum ex omnibus Gazis congesto, mercari posse. Quid hac voce maius, quid præstantius, non dicam reperiri, sed excogitari potest? vincit sua nobilitate, doctissimas sapientissimorum hominum sententias, quod hæc animum quadam iucunditate perfundant, illa vñui & rebus humanis accommodata: vñ-
 cit Le-

monib[us]

cit Legislatorum instituta, quod hæc illi, non sibi;
sed aliis viuen di rationes indixerunt, illa verò tan-
quam Sacrosancta lex, in tui officij religione sem-
per est versata: Vincit Apollinis, magno studio,
& magna veneratione, à cunctis nationibus quæ-
sita oracula, quod hæc ambiguis perplexa verbis,
plurimis perniciem attulerunt; illa plurimos, in su-
is fortunis collocauit, plurimis salutem & dignita-
tē reddidit. Ägyptij Sacerdotes, qui animalium, cœ-
terarumq; rerum figuris, tanquam litteris quibus-
dam, in animi sui sensibus prodēdis vtebantur, iu-
stitiam designare volentes, corpus virginali forma,
sed cui caput ademptum esset pingebant, quasi
quod vt Seneca in Octavia conqueritur,

Neglecta terras fugit, & mores feros
Hominum, cruentâ cæde pollutas manus,
Astrea virgo syderū magnū decus, reliquerit.
In qua enim Repub: ac societate, vi & ferrores
geruntur, audacia, rapinæ, nefariæ libidines regnāt,
ciuium vulneribus Respub: cruentatur, Senatus
tamen obmutescit, iudicia conticefscunt, ciues o-
ptimi lugent; seque non legum sed parietum præ-
sidio tuentur, ab hac iustitia voluntarium exilium
suscipiēs recedit, vniuersaq; sacra & prophana, la-
trocinijs diripienda permittit. Non sum neclius, su-
periori memoria, magna cum diligentia, seuerita-
te, sanctimonia, iudiciorum vim, & grauitatem, cu-
stoditam,

stoditam & cōseruatam fuisse, sed si hæc perdita
 atque profigata fuisset, tu hanc, ipsamq; iustitiam
 reuocare, tu infamiam ac inuidiam iudiciorum re-
 mouere, tu spem corrumpendi iudicii præcidere,
 tu fidem in foro, auctoritatem in Senatu, religio-
 nem in templis collocare poteras. Tibi enim iure
 optimo, illud elogium, quod M. Cic: de Bruto,
 quem tanquam partem animæ diligebat, fecit; tibi
 inquam, conuenit, Quid tām distans, quām à seu-
 ritate comitas? quis tamen vnquam te, aut san-
 ctior est habitus aut dulcior? quid tām difficile, quā
 in plurimorum controversiis diiudicandis, ab om-
 nibus diligi? consequebaris tamen ut eos ipsos,
 quos contra statuebas, æquos placatosq; dimitte-
 res: itaque efficiebas, ut cum gratiæ causa nihil fa-
 ceres, omnia tamen erant grata, quæ faciebas. Di-
 utius forsitan, quām debui, I. P. hoc inani & impo-
 lito verborum strepitū, tuas patientissimas aures
 videbor alicui, & tibi ipsi, detinere: mihi verò in
 hoc spatio, & floridis ac virentibus tuarum vir-
 tutum meritis consito campo, etiam hoc modicum
 & instar momenti videtur, sed ne molestus sim, &
 ne, quod res est, videar parua nauis, maria velle e-
 metiri & transmitere; ad portum me si non plenis,
 attamen non fractis velis recipiam; Si vt quondam
 Ulysses, non prius post tot res aduersas & infortu-
 nia perpesta, regno paterno, & optatæ quieti ed-

D

ditus

ditus est, quām Phœacum regionem lustrasset: ita &
 ego facile exitum orationis reperiam, si priūs aliqua
 de tuo vero & perpetuo in Remp: amore comme-
 morauero. Et cum mecum, tuam superiorem vi-
 tam, multis in molestiis & difficultatibus actam re-
 cogito, & iam præsentem, cum in iisdem curis &
 laboribus exerceri intueor, quin exclamem, con-
 tinere me non posum. Ecquando finis erit malo-
 rum? ecquando mordaces & sanguisugæ disce-
 dent curæ? ecquando hæc catena malorum, in
 qua molestia molestiam, calamitas calamitatēm
 trudit & excipit, euoluetur? Itane, etiam ne in hac,
 non tam senili, quam defessa & attrita negotiorum
 Regni difficultatibus ætate, quiescendum erit. L.
 Lucullus, postquam tot imperia, à populo Rom:
 sibi demandata gelisset, & postquam primus Ro-
 manorū, cù exercitu Taurū montem transisset, A-
 siam aggressus fuisset, Tigranis & Mithridatis copi-
 as fregisset, reliquum ætatis pacatæ vitæ & tranquil-
 læ dedit. Scipio verò Africanus, fulmen Imperij
 Rom: Punicæ fraudis & audaciæ domitor, ipsiusq;
 Carthaginis opulentæ & munitissimæ expugna-
 tor, & gloriæ satietate captus, & motuum ciuilium
 pertæsus, vitam ruri in otio cum dignitate egit.
 Quid prohibet, quo minus & tu, tanto exemplo
 Clarissimorū virorū, hoc graue & negotiosum mu-
 nus curandæ Reip: in aliorū humeros reclines, &
 hoc

hoc quodcunq; restat vitæ, publicis laboribus fa-
 tigatæ, cur non aliqua iucunda & honesta quiete
 recreas & confirmas? amor scilicet, quo summo-
 pere patriam complecteris, non patitur, non per-
 mittit, sed intimis animi ardescens niedullis, ad
 Reipub: curas anxiè & sollicitè hortatur. Hic te ab
 adolescētia, in hos fluctus & tempestates ciuilem
 rerum coniecit; hic persuasit, vt difficillimam mo-
 derandæ Reipub: artem cognosceres, hic autor
 fuit, vt illam forensem: & rebus agendis accōno-
 datam orationis facultatē, (qua apud exterorū Tulli-
 ani visi sumus,) consequerere: hic efficit, vt oēs sine
 diurna molestia, sine impensa, etiā sine patrono,
 paratiſſimum rerum suarum perfugium in tua pru-
 dentia haberent; hic vt pestem & perniciem à Rep:
 consilio sapientiaq; propulsares; hic denique, vt
 cum illa ciuilem à suo Principe voluntatum aliena-
 tio fuisset facta, & Regni status in maximum discri-
 men adductus, suscepta Regis nomine Legatione,
 contendisti etiam cum vitæ discrimine, vt & Prin-
 cipis optimi dignitas, sarta & tecta esset, & vt offen-
 sionibus oblitteratis, in mutuū amorē & concordiā
 exardescerent, coīmuni studio
 & amore cōpleteſſerentur. Verè ſæuus eſt, & crude-
 lis amor, illorumq; rationibus inimicus, quorū ani-
 mos vrit, his verò benignus & fructuosus, qui nos
 ſibi eo deuinctos habent. Et quanquā plurimi fue-
 runt,

runt, qui diuersa amoris sui in Remp: mōmenta , extare voluerūt, & aut instructissimis copiis pro libertate dimicādo, aut cū hoste in certamen singula re euocato manū conferendo, aut ciues flagitiosos vrbe prohibendo , mortem oppetierunt : sed quid tam ciuibus optabiliūs, quid patriæ salutariūs, quid Reipub: gloriosiūs, quam sine cæde, sine ferro, non modò hostiles acies conficerē, sed excitatas in Repub: tempestates, consilio regere, & quadam diuina propè moderatione sedare. Illi enim, səpiùs audacia , & inconsulto gloriæ studio incensi, aut ipsi occubuerunt, aut fortissimo exercitu amisso, hosti viam ad Repub: opprimendam muniuerunt : hi aut nullo milite conscripto, aut paruis copiis collectis , sed nullis non modo signis collatis, sed ne belli signo dato, hostem ad deditiōnem & ad mandata accipienda səpenumero compulerunt: illi vix aliqua patriæ salute allata, è vita sublati, plura & maiora amoris sui argumēta declarare nequiuērūt; hi meritis, & gloriæ superstites, quoties Respūb: fracta malis , debilitata dissensionibus, abiecta metu periclitatur, toties hanc saluberrimis consiliis, ad spem libertatis & pristinæ dignitatis erigūt. Quare Homericus ille Rex Regum Agamemnon, plures sibi dari Nestorea prudentia viros, quām Achillea fortitudine milites, ad opes Priami, & gentem Trojanam euertendam, optabat. Quidquid em̄ turbarum,

rum, in eius Castris iracundus & furiosus Achilles
 dabat, totum hoc sapientissimus Nestor; maturo
 consilio, atque incredibili prudentia sedabat. Hæc
 sunt tua trophæa, I. P. hi arcus triumphales, quos in
 hac publica omnis ætatis hominum lætitia, ex tuo
 primo ac fælicissimo in hanc Episcopatus Sedem
 ingressu, tuis maximis togatisq; virtutibus erigi-
 mus, & statuimus. Quorū, non hanc rudem operis
 struc̄turam, sed in his rerum à te gestarum imaginē;
 aliquomodo adumbratam, quis non demirabitur?
 quis non amplectetur? quis non prædicabit? nisi
 aut quem, alienis bonis mærens inuidia inuaserit
 sed inuidia virtute parta (vt Tullius dicebat) glo-
 rria non inuidia putanda; aut nisi quis, nullam victo-
 riā dicendam, nullum triumphum, nisi ex hoste
 deuicto agendum esse existimabit. Sed quæ belli
 ratio difficilior, quæ periculosior esse potest, quam,
 cum prædonibus animarū, cum hostibus salutis hu-
 manę, tot fallaciarū artibus instructissimis, in cer-
 tamen descēdere? & pro Christi hereditate, pro fa-
 cris & aris, pro ritu religionis Apostolicæ decernie-
 re? hominesq; nescio quibus furiis ac præstigiis ve-
 xatos, vt rebus diuinis bellum indicant, ab illarum
 contactu prohibere? Quia ex pugna cū semper vi-
 ctor redieris, an non meritò, hoc præsertim tēpore,
 quo tua merita amplissimis prœmiis ornata, & om-
 nium honorū faustis acclamationibus prosequuta,

exultant & triumphat, religio quoq; triumphabit?
 an non vel his triumphalibus statuis decorabitur?
 Quid verò numerosus & fortissimus miles, quid
 machinæ bellicæ proficien? nisi Resp: ea pruden-
 tia viros habeat, qui & belli gerendi consilia submi-
 nistrent, & fines imperii armis prolatos tueri sciant.
 Qua cū semper, dubiis & formidolosis Reip: tem-
 poribus, præstò adfueris: quid est, cur non etiam
 triūphi honorem cōsequatur? Iam quæ est laus, quæ
 dignitas, gentes iamanitate barbaras, locis infinitas
 superare, & equitatis verò nullam certā legem tenere,
 profectò nulla vis externa tam subitò, quam hoc v-
 num, p̄sentiissimā perniciem publicis rebus potest
 accelerare. Hac, cum ex æquo ius dicēdo, salute m
 & dignitatem Reipub: tuebare, hæc ipsa etiam or-
 namētis triumphi cumulata exultet. Quid deniq;
 prodest, nouas dominationes bello cōparare, impe-
 rij nomen augere, si ciues ea fide & amore, in patriā
 fuerint, vt hanc pecunia inducti, parati sunt pro-
 dere: sed cum, tuum verum & constantem in om-
 nibus rebus amorem retinueris, meritò huic etiam
 triumphanti applaudimus. Quare, cum hoc pul-
 cherrimo virtutum triūphantium comitatu, ingre-
 dere fælix & fortunatus primariam tui Episcopat-
 us Vrbem, ingredere & occupa, debitam tuis ma-
 ximi virtutibus Sedem; ingredere augustissimum,
 & Sacratissimis B. Stanislai reliquiis celeberrimum

Tem-

Templum; & quod vnū, effusis ad Deum precibus
optamus, vtinam huic ipsi quam diutissimè præsis;
& vt nunc faustissimis gratulantium votis, pro tua
incolumitate suscepisti, hunc tuū Episcopatum in-
grederis, vtinam ita olim vtinam, cælesti ap-
plaudente Curia, latus Cælum ingre-
diaris.

PROSPHONISIS ACADEMIÆ.

ANTISTES Christi, sacrarum gloria rerum,
Ecclesiæ lampas, columen pietatis auitæ,
Exortum fidus Craci regione vetusta,
Pontificum virtute micans, pastoris amore,
O decus, ô T Y L I C I, Lechi de stirpe Quiritum.
Quam te cerno lubens, venerorq; insignibus auctum
Pontificis Craci, Soleanni more potentem
Aëgustas sedes, sanctoq; cruore rubentes:

Non me testa tenent, mirâ dulcedine captam,
Conscius haud paries, curæ, studiisq; tenacis,
Effusam retinere potest in gaudia mentem,
Munere prorumpens medio, proprioq; penate
Obuia processi, cætu comitata meorum.
Moribus ut Spartana grauis, cultùque seuero.
Excita, diffuso totam sermone per urbem,
Aduentare grauem spoliis certamine natum,
Quem circum plaudens fundit se armata iuuentus,
Exsilit, atque gradum gesit coniungere campis:
Sic mea, fama loquax, compleuit limina postquam,
Illuxisse diem T Y L I C I, quo sumat honores
Præsulis, atque suum ingrediatur Pastor ouile,

Occupat

Occupat exultans subito mea corda voluptas,
 Hunc populis Craci, reserare Palatia cæli
 Ingenitum cuius, primæuo in flore iuuentæ
 Instruxi recti monitis, studiisq; Sophorum,
 Quemq; mei memorem longa asuetudine feci,
 Nec mora, lætitia totis stimulata medullis,
 Extra recta, tuos vultus, plaususque requiro.
 Ipsa ferens plausum, conceptaq; pectore vota:

Faustis ô vtinam auspiciis, atque omne fausto,
 Ingrediare tuam sedem, prendasque sacras
 Fælix ô vtinam Christi ditionis habenas.
 Te duce, te ô vtinam fidei diuortia cessent,
 Perfida nec rabies ausit temera re vetusta
 Sacra Dei, aut dotem templis auferre dicatam,
 Omnes sed Christi veniant sub iura benigni,
 Amplexi veteres ritus, & dogmata prisca.
 Conatusq; mei, curæ, vigilesq; labores,
 Quos animis iuuenum, impendo studiosa colendis,
 Semirutis penitus tectis, & paupere censi,
 Præmia si meritis nequeunt condigna referre,
 Vi propriâ serpent, lætosq; dabunt tibi fructus,
 Si me si placidis oculis, vultuq; sereno
 Multis defessam curis, studiisque seueris
 Adspicies, mæstæ propulsans nubila mentis,
 Sique meum Genium, quouis tutabere casu.
 Sic voueo, sic mens denunciat ipsa futurum
 Auguriisque istis, etiam tibi sidera spondet.





